



Republika e Kosovës
Republika Kosova-Republic of Kosovo
Qeveria - Vlada - Government

Ministria e Sportit dhe Rinisë - Ministarstvo Sporta i Omladine - Ministry of Sport and Youth

Raporti Narrativ i Punës i Federatës së Volejbollit të Kosovës

RAPORTI 3 MUJOR NARRATIV	
1. Informacioni për Federatën/ Memorandumi	
1.1 Numri i kontratës/Memorandumit:	123/2026
1.2 Emri i Federatës :	Federata e Volejbollit e Kosovës
1.3 Emri, mbiemri dhe pozita e personit kontaktues përgjegjës për këtë raport:	Diellzë Bytyçi, zyrtarë e FVK-së (administratë dhe financa)
1.4 Emri, mbiemri dhe pozita e nënshkruesit të Memorandumit :	Bahri Gjinovci, Kryetar
1.5 Data e fillimit dhe e mbarimit të Memorandumit (dd/mm/vv - dd/mm/vv):	01.01.2026-31.12.2026
1.6 Periudha e raportimit (dd/mm/vv - dd/mm/vv), dhe specifiko TM1, TM2, TM3 apo TM4	TM1
1.7 Synimet e Federatës përgjatë këtij Memoradumi (sipas F1- Planit vjetor të Punës)	Synimet e Federatës së Volejbollit të Kosovës përgjatë realizimit të këtij Memorandumit, në përputhje me Planin Vjetor të Punës (F1), kanë qenë zhvillimi dhe avancimi i volejbollit në Kosovë përmes organizimit të garave vendore dhe ndërkombëtare, përgatitjes dhe pjesëmarrjes së kombëtareve në aktivitete evropiane dhe ballkanike, rritjes së cilësisë konkurruese të sportistëve, forcimit të bashkëpunimit sportiv rajonal përmes Ligës “Gjergj Kastrioti” Kosovë–Shqipëri, si dhe promovimit të sportit dhe përfshirjes sa më të madhe të të rinjve në aktivitetet sportive.
1.8 Shuma e kështit që kërkohet (sipas Memorandumit dhe ndarjes në TM):	66,000.00€
1.9 Shuma totale e Memorandumit:	264,000.00€
1.10 Buxheti total i shpenzuar deri më tani:	66,132.45€
1.11 Shuma e mbetur në bankën tuaj nga Kësti i Memorandumit:	0
2. Vlerësimi i aktiviteteve të zbatuara të Memorandumit	
2.1 Përmbledhja e përgjithshme e aktiviteteve, progresi, dhe ndikimi (Ju lutemi jepni përmbledhjen e përgjithshme të projektit/programit, progresit në arritjen e synimeve dhe aktivitetet e zbatuara gjatë këtij 3 mujori, sipas planifikimit në F1- Plani Vjetor i Punës së Federatës)	

Gjatë TM1, Federata e Volejbollit e Kosovës ka realizuar aktivitetet e parapara sipas Planit Vjetor të Punës. Janë organizuar garat vendore, përfshirë Kampionatin e Kosovës dhe Kupën e Kosovës, si dhe janë zhvilluar aktivitetet për përgatitjen e kombëtareve të femrave dhe meshkujve për CEV EuroVolley. Gjithashtu, janë realizuar pjesëmarrjet në Kualifikimet e Kampionatit Evropian U18 për femra dhe meshkuj (Kampionati Ballkanik), ku kombëtarja e femrave mori pjesë në Sofje të Bullgarisë, ndërsa kombëtarja e meshkujve në Podgoricë. Është zhvilluar edhe Liga “Gjergj Kastrioti” Kosovë–Shqipëri, me qëllim të rritjes së bashkëpunimit sportiv dhe nivelit konkurrues. Aktivitetet kanë ndikuar pozitivisht në avancimin e volejbollit, rritjen e pjesëmarrjes së sportistëve dhe promovimin e sportit në nivel vendor dhe ndërkombëtar.
2.2 Arritjet kryesore (Identifikoni dhe shpjegoni shkurtimisht arritje për të gjitha aktivitetet e planifikuar sipas F1- Plani Vjetor i Punës, gjatë zbatimit të aktiviteve të Memorandumit në këtë 3 muaj. Shpjegoni ndryshimin konkret të paraqitur për grupin e synuar të përfituesve ose individëve brenda këtyre grupeve.)
• Organizimi i suksesshëm i Kampionatit të Kosovës dhe Kupës së Kosovës. • Pjesëmarrja e kombëtareve U18 në Kualifikimet e Kampionatit Evropian (Kampionati Ballkanik). • Zhvillimi i Ligës “Gjergj Kastrioti” Kosovë–Shqipëri. • Përgatitja e kombëtareve për garat ndërkombëtare CEV EuroVolley. • Pjesëmarrja në Asamblenë Ballkanike. • Përfshirja e rreth 200 përfituesve direkt në aktivitetet sportive. Këto aktivitete kanë kontribuar në rritjen e përvojës sportive të volejbollistëve, forcimin e bashkëpunimit rajonal dhe promovimin e volejbollit kosovar.
2.3 A keni hasur ndonjë sfidë dhe vështirësi gjatë zbatimit të Memorandumit? (Shtjelloni sfidat e hasura dhe si iu jeni përgjigjur. Si ka ndikuar në zbatimin e aktiviteve tuaja? A vazhdojnë sfidat? Nëse po, cili është veprimi i propozuar nga ju?
Gjatë realizimit të aktiviteve janë hasur sfida kryesisht të natyrës organizative dhe financiare, për shkak të numrit të madh të aktiviteve ndërkombëtare dhe afateve të ngjeshura të garave. Megjithatë, Federata ka arritur t’i menaxhojë aktivitetet sipas planifikimit përmes koordinimit të vazhdueshëm me klubet, trajnerët dhe organizatorët ndërkombëtarë.
2.4 Rezultatet e arritura (Përshkruani rezultatet e arritura <u>për të gjitha aktivitetet</u> sipas planifikimit në F1- Plani Vjetor i Punës, duke treguar ndryshimin e arritura gjatë këtij 3 muaj. Shtjelloni rezultatet për grupin e synuar për secilin aktivitet të planifikuar për këtë periudhë). Aktiviteti 1: Titulli: rendit aktivitetet Nën- aktivitetet e zbatuara <ju lutem jepni më shumë detaje>: Rezultatet e synuara- Rezultatet e arritura – Sqarime shtesë:
Aktiviteti 1: Organizimi i garave vendore dhe ndërkombëtare Nën-aktivitetet e zbatuara: • Kampionati i Kosovës • Kupa e Kosovës • Liga “Gjergj Kastrioti” • Kualifikimet U18 M/F • Përgatitjet për CEV EuroVolley Rezultatet e arritura: Janë realizuar me sukses aktivitetet sportive të parapara për TM1. Sportistët kanë përfituar nga pjesëmarrja në gara vendore dhe ndërkombëtare, ndërsa federata ka avancuar prezantimin ndërkombëtar të volejbollit kosovar.

2.5 Përshkrimi i aktiviteteve (Përshkruani aktivitetet e planifikuara në këtë 3 mujor bazuar në F1-planin e vjetor të punës. Për secilin aktivitet jepni një shpjegim se si e keni zbatuar, pjesëmarrjen e grupeve të synuara dhe ndërlidhjen me arritjet kryesore) Aktiviteti 1: Titulli: rendit aktivitetet me detaje Nën- aktivitetet e zbatuara <ju lutem jepni më shumë detaje>: Rezultatet e këtij aktiviteti <paraqisni informacione mbi përfituesit e drejtpërdrejtë dhe përfituesit përfundimtarë për secilën aktivitet. Kur janë në dispozicion, të dhënat duhet të paraqiten të ndara sipas gjinisë, grupmoshës së sportistëve dhe grupit të nënpërfaqësuar (specifikoni grupin, siç janë minoritetet, të rinjtë, të moshuarit, LGBTI, personat me aftësi të kufizuara ose të moshuar) Përfituesit e Memorandumit që përfitojnë nga më shumë se një aktivitet duhet të numërohen një herë. Kur është e mundur, rezultatet e tjera të shprehen gjithashtu në shifra>: Aktiviteti 1: Organizimi dhe pjesëmarrja në gara sportive Federata ka organizuar garat vendore sipas kalendarit zyrtar të garave dhe ka koordinuar pjesëmarrjen e kombëtareve në aktivitetet ndërkombëtare. Kombëtarja U18 e femrave mori pjesë në Sofje të Bullgarisë, ndërsa kombëtarja U18 e meshkujve në Podgoricë. Gjithashtu, janë zhvilluar përgatitjet e kombëtareve për CEV EuroVolley dhe është organizuar Liga “Gjergj Kastrioti” Kosovë–Shqipëri, si aktivitet me rëndësi për bashkëpunimin rajonal. Përfituesit: Rreth 200 sportistë, trajnerë dhe zyrtarë sportivë kanë përfituar direkt nga aktivitetet e realizuara gjatë kësaj periudhe.
2.6 Aktivitetet që nuk janë zbatuar . Nëse ndonjë aktivitet nuk është zbatuar në përputhje me F1-Planin Vjetor të Punës dhe Buxhetin e Planifikuar specifikoni arsyen pse nuk janë zbatuar dhe masat e marra nga ju. Ju lutemi jepni detaje, përfshirë vonesën ose anulimin e aktiviteteve, dhe mënyrën se si janë adresuar. Ju lutemi shënoni çdo aktivitet të parashikuar në planin e aktiviteteve për periudhën raportuese që nuk është zbatuar dhe shpjegoni arsyet për këtë.) Aktiviteti 1: Titulli: Nën- aktiviteti i cili nuk është zbatuar <ju lutem jepni më shumë detaje, pse nuk është zbatuar, masat që keni ndërmarrë ju për të adresuar këtë aktivitetet apo nëse planifikohet të zbatohet në ndonjë 3 mujor tjetër>: Të gjitha aktivitetet e planifikuara për TM1 janë realizuar sipas planifikimit.
2.7 Aktivitete të paplanifikuara (Shpjegoni çdo aktivitet tjetër që është zbatuar dhe që nuk ka qenë i parashikuar në F1- Planin Vjetor të Punës së Federatës. Nëse nuk ka aktivitete të tilla, kjo hapësirë mbetet e zbrazët) Nuk ka pasur aktivitete të paplanifikuara gjatë kësaj periudhe raportuese.
2.8 Vlerësimi nga pjesëmarrësit (Cilat ishin vlerësimet dhe komentet nga pjesëmarrësit në aktivitete? Ju lutemi bëni përmbledhjen e rezultateve dhe komenteve të marra, përfshirë ato të përfituesve. Nëse keni përdorë pyetësorë për matje të performancës apo knaqshmërisë së pjesëmarrësve, ndani përmbledhjen e këtyre pyetësorëve dhe raportet e tyre me MRS. Përtej vlerësimeve dhe komenteve të përgjithshme, kur është e mundur, paraqitni një qasje kritike dhe analitike bazuar në vlerësimet dhe komentet e marra.) Pjesëmarrësit kanë vlerësuar pozitivisht organizimin e garave dhe pjesëmarrjen në aktivitetet ndërkombëtare. Komentet kanë qenë kryesisht pozitive lidhur me organizimin, bashkëpunimin dhe mundësinë për zhvillim sportiv.
2.9 Monitorimi (Ju lutemi përshkruani metodat e monitorimit të aktiviteteve të zbatuara duke u përqendruar në aktivitetet kryesore të këtij 3 mujori të ndërlidhura me rezultatet e arritura.) Federata ka monitoruar realizimin e aktiviteteve përmes koordinimit të vazhdueshëm me klubet, trajnerët, stafin organizativ dhe raportimeve periodike nga aktivitetet sportive.

2.10 Strategjia e Federatës dhe Strategjia Shtetërore e Sportit (ju lutem sqaroni për secilin aktivitetet të zbatuar në këtë 3 muor, se si i ka kontribuar arritjes së objektivave të Strategjisë së Federatës dhe Strategjisë Shtetërore për Sport. Sqaroni nëse në këtë periudhë keni zhvilluar strategjinë e federatës në përputhje me Strategjinë Shtetërore për Sport)

Aktivitetet e realizuara gjatë TM1 kanë kontribuar në zhvillimin e sportit të volejbollit, promovimin e pjesëmarrjes së të rinjve në sport dhe avancimin e prezantimit ndërkombëtar të Kosovës, në përputhje me objektivat e Strategjisë Shtetërore për Sport.

2.11 Vizibiliteti dhe ndërlidhja me grupet e qytetarëve/publikun (Shpjegoni veprimet e ndërmarra për të siguruar vizibilitet të financimit nga MRS dhe Memorandumit. Sqaroni se si e keni avancuar ueb faqen e Federatës për komunikim me audiencën)

Federata ka siguruar promovimin dhe vizibilitetin e aktiviteteve përmes rrjeteve sociale, publikimeve në media dhe komunikimit të vazhdueshëm me publikun. Aktivitetet dhe rezultatet janë publikuar në platformat zyrtare të federatës.

2.12 Materialet/publikimet (Ju lutemi renditni të gjitha materialet/publikimet, sic janë materialet promovuese, ueb-faqja e federatës, printime të tjera promovuese të shtypura apo publikuara në formë virtuale në këtë 3 muor)

- Publikime në rrjetet sociale
- Njoftime dhe artikuj në media
- Publikime në ueb-faqen zyrtare të Federatës
- Materiale promovuese për aktivitetet sportive

Kryetari/ja i/e Federatës:

Emri dhe mbiemri:

Bahri GJINOVCI

Nënshkrimi:  Vendi: Prishtinë Data: 26.05.2026



KUALIFIKIMET E KAMPIONATIT EVROPIAN CEV U18M

Kombëtarja U18 e Kosovës në volejboll ka zhvilluar ndeshjet në Podgoricë, ku mori pjesë në Kualifikimet e Kampionatit Evropian CEV U18 2026, të zhvilluara nga 3 deri më 7 janar në palestrën SC Verde.

Pas përfundimit të përgatitjeve në Kosovë, ekipi udhëtoi drejt Malit të Zi i përqendruar dhe i motivuar për paraqitje sa më të mira në arenën evropiane.

Nën drejtimin e përzgjedhësit Darko Prebiraçević, me ndihmën e trajnerëve Naim Gucati, Ermal Maliqi dhe Elmi Zymeri, Kombëtarja zhvilloi seancën e parë stërvitore në Podgoricë, duke u përshtatur me ambientin dhe kushtet e garës para startit të turneut.

Sfida e parë për Kosovën u zhvillua më 3 janar, në ora 20:30, kundër Rumanisë. Kjo ndeshje shënoi debutimin e Kosovës në këtë turne dhe shërbeu si një test i rëndësishëm për formën e ekipit.

Të rinjtë e Kosovës u paraqitën me disiplinë taktike, energji dhe përkushtim, duke synuar një nisje pozitive të garës.

Kosova ishte pjesë e një grupi tejet konkurrues, ku u përball edhe me Malin e Zi, Turqinë, Serbinë, Greqinë dhe Bullgarinë, ekipe me traditë dhe përvojë në garat evropiane të kësaj grupmoshe.



KUALIFIKIMET E KAMPIONATIT EVROPIAN CEV U18F

Kombëtarja U18 e vajzave të Kosovës u paraqit në kualifikimet zonale të CEV U18 – Kampionati Evropian 2026, të cilat u zhvilluan në palestrën “Hristo Botev” në Sofje të Bullgarisë.

Pas një procesi të gjerë seleksionimi, grumbullimeve të vazhdueshme dhe kampeve përgatitore, vajzat tona hynë në këtë sfidë me përkushtim dhe besim.

E gjithë kjo punë u realizua nën drejtimin e shtabit teknik, të përbërë nga selektori Adriatik Kajtazi, së bashku me trajnerët Valon Mustafa dhe Berat Husaj, të cilët punuan intensivisht në aspektin teknik, taktik dhe fizik të skuadrës, si dhe në ndërtimin e kohezionit ekipor.

Kosova garoi në Grupin A, së bashku me Bullgarinë, Greqinë dhe Malin e Zi.

Kombëtarja U18 e vajzave të Kosovës arriti në Bullgari, ku mori pjesë në kualifikimet zonale të CEV U18 – Kampionati Evropian 2026. Pas udhëtimit, ekipi u akomodua në Sofje dhe zhvilloi stërvitjen e parë zyrtare në palestrën “Hristo Botev”, arenë ku u zhvilluan të gjitha ndeshjet e grupit.

Vajzat u udhëhoqën nga selektori Adriatik Kajtazi, së bashku me shtabin teknik të përbërë nga trajnerët Valon Mustafa dhe Berat Husaj, të cilët e përgatitën ekipin përmes një procesi të gjatë seleksionimi, grumbullimesh dhe pune intensive, me fokus në aspektin teknik, taktik dhe fizik. Këto kualifikime përfaqësuan një tjetër hap të rëndësishëm për gjeneratën e re të volejbollisteve dhe ishin rezultat i punës së vazhdueshme zhvillimore të Federatës së Volejbollit të Kosovës (FVK).



KOSOVA PJESË E ASAMBLESË SË 27-TË TË BVA-SË

Federata e Volejbollit e Kosovës mori pjesë në Asamblenë e 27-të të Asociacionit Ballkanik të Volejbollit (BVA), e cila u mbajt më 24 dhe 25 janar 2026 në Sarajevë, Bosnje dhe Hercegovinë, me pjesëmarrjen e përfaqësuesve nga 10 shtete të Ballkanit.

Kosova u përfaqësua nga:

- Bahri Gjinovci, President i FVK-së
- Valon Nikqi, Sekretar i Përgjithshëm
- Valon Xhafaj, Nënkretar

Gjatë punimeve të asamblesë u diskutuan tema të shumta me rëndësi për zhvillimin e volejbollit në rajonin e Ballkanit, si dhe u përcaktuan vendet nikoqire të 10 garave ballkanike në volejboll për vitin 2026.

Në punimet e kësaj asambleje ishte i pranishëm edhe Presidenti i Konfederatës Evropiane të Volejbollit (CEV), z. Roko Sikirić.

Kosova aplikoi dhe u aprovua për organizimin e Kampionatit Ballkanik U17 për vajza, i cili do të mbahet nga 21–25 korrik 2026.

Po ashtu, Kosova do të marrë pjesë me përfaqësuese në Kampionatet Ballkanike U17M dhe U18M, si dhe në garat e beach volley për kategoritë U18, U20, U22 dhe seniorë.

Në punimet e kësaj asambleje u vendos që kryetar i ardhshëm i BVA-së të jetë Georgios Karampetsos nga Greqia, ndërsa Asambleja e 28-të e BVA-së do të mbahet vitin e ardhshëm në Greqi.



PARTIZANI KAMPION I LIGËS “GJERGJ KASTRIOTI” PËR HERË TË TRETË RADHAZI

Finalja – Meshkujt

Partizani 3-0 Skënderbeu

25-21, 25-22, 25-22

Partizani ka fituar titullin kampion në edicionin e pestë të Ligës “Gjergj Kastrioti”, duke triumfuar 3-0 në finale ndaj Skënderbeut nga Korça.

Skuadra tiranase kontrollloi ritmin e lojës në të tre setet, duke u treguar më e qëndrueshme në momentet vendimtare.

Seti i parë u mbyll 25-21, ndërsa në dy setet pasuese Skënderbeu tentoi të qëndrojë në garë, por Partizani ruajti epërsinë për t’i fituar 25-22 dhe 25-22, duke vulosur titullin.

Ky është titulli i tretë radhazi për Partizanin në pesë edicionet e zhvilluara të Ligës “Gjergj Kastrioti”, duke konfirmuar dominimin e skuadrës në këtë garë mbarëkombëtare.

Liga “Gjergj Kastrioti”, për të pestin vit radhazi, dëshmon bashkëpunimin e suksesshëm mes Federatës së Volejbollit të Kosovës dhe Federatës Shqiptare të Volejbollit, duke kontribuar përmes kësaj platforme në ngritjen e cilësisë, shkëmbimin e përvojave dhe përfitimet e përbashkëta në të mirë të volejbollit në të dyja vendet.



POGRADECI FITON LIGËN “GJERGJ KASTRIOTI” – TROFEU SHKON PËR HERË TË PARË NË POGRADEC

Finalja – Femrat

Pogradeci 3-1 Fer Volley

19-25, 25-18, 25-18, 25-19

Pogradeci ka shkruar histori në Ligën “Gjergj Kastrioti”, duke fituar për herë të parë trofeun e kësaj gare mbarëkombëtare në konkurrencën e femrave.

Fer Volley e nisi më mirë finalen, duke fituar setin e parë 25-19 dhe duke dhënë sinjale të forta për titullin. Megjithatë, reagimi i pogradecareve ishte i menjëhershëm.

Me lojë të organizuar dhe efikasitet në sulm, Pogradeci fitoi tre setet pasuese 25-18, 25-18 dhe 25-19, duke përmbysur rezultatin dhe duke ngritur trofeun.

Një sukses i madh për skuadrën e Pogradecit, që për herë të parë e çon trofeun e Ligës “Gjergj Kastrioti” në qytetin liqenor, duke kurorëzuar një edicion të jashtëzakonshëm me titull kampioni.



Raportin e zgjeruar të aktiviteteve e gjeni në web faqe dhe rrjetet tona sociale!